



UNIVERSITÄTS-
BIBLIOTHEK
PADERBORN

Universitätsbibliothek Paderborn

Septem Illvstrivm Virorvm Poemata

Cesarini, Virginio

Antverpiae, 1662

Eminentissimo Principi Bernardino Cardinali Spadae, ...

urn:nbn:de:hbz:466:1-7990

POEMATA
 EMINENTISSIMO PRINCIP^{IA}
 A
 BERNARDINO
 CARDINALI SPADÆ,
 IN EVNTE ANNO M. DC. LI.
 BENE PRECATVR.

O Pars altior inclyti Senatus,
 Cuius Romula gens ab ore pendet
 In latis simul, arduisq; rebus,
 Nostri præsidum decusq; sacli,
 Qui patrocinio tuo fideli
 Omnes ingenuas tueris artes,
 Artes ingenuas adeptus omnes;
 Vultu illo excipe blando, amabilq;
 Quo tamquam in solio suo renidet
 Maiestas Latij, decorq; priscus,
 Propensum obsequium meæ Camæna,
 Dum Iani redeuntibus Kalendis
 Vota concipit, aureofq; soles
 Tibi, ac Nestoreos precatur annos.
 Dexter atque utinam Deus secundet,
 Quæ cum solibus aureis Camæna
 Et cum Nestoreis precatur annis.

Aulæ

Aulæa à fulmine illæsa , aureo tantùm
limbo correpto.

A Vrum corripuit fulmen ; nil cetera læsit.
Non alias cecidit iustius ira Iouis.

Faber ferrarius diurnum quæstum
scenicis ludis impendens.

P Ostquam lassauit miseros incude lacertos
Forcipibus versans æra recocta faber,
Scenica ridendi studio spectacula querit ,
Quosq; locat populo mimica turba iocos.
Hinc cœna infelix torquentes lumina cepg :
Sic illi risus vertitur in lacrymas,

Cùm inhabitaret cubicula , quæ sunt
in fornice Vaticano.

Q Vas imminentes fornici vides curuo
Ædes inæquali ambitu , sed arcano
Sacras recessu , hortis virentibus letas ,
Miroq; hyeme mediâ tepore vernantes ,
Me summa Principis benignitas iussit
Incolere ; me , qui nuper improbæ nutu

Sortis

80 POEMATA

Sortis reductum in angulum relegatus,
 Quà bubo, quà diræ striges cateruatum
 Ferale ab altis carmen integrant nidis,
 Longè à sodalium atque solis aspectu
 Vitam in tenebris ac timore ducebam.
 Succede tectis hospes, & loci felix
 Genio fruare, dum recolligis vires,
 Quas longa passus mille porticus fregit.
 Hic Phidiae non signa, non Apellæas
 Tabulas require: non teguntur aulaeis,
 Tyrio nec ostro splendidi lares fulgent;
 Sed omnium instar iuvtus est ALEXANDRI.

AD

ALEXANDRVM VII
PONT. OPT. MAX.

Ineunte Pontificatus anno quarto.

Non indigna Tvi canerem nunc, Maximi
 Princeps,
 Sed cohabet iustus me, retinetq; pudor.
 Nam recolens lucem, TIBI quæ dedit Orbis habenas
 Natalem celebrat nostra Thalia suum.

AD